

**საქართველოს მთავრობის
განკარგულება**
N2745 2015 წლის 18 დეკემბერი ქ. თბილისი

**„საქართველოს რეგიონული განვითარებისა და
ინფრასტრუქტურის სამინისტროსათვის საქართველოს
რეგიონებში განსახორციელებელი პროექტების ფონდიდან
თანხის გამოყოფის შესახებ“ საქართველოს მთავრობის 2015
წლის 19 მარტის №536 განკარგულებაში ცვლილების შეტანის
თაობაზე**

საქართველოს ზოგადი ადმინისტრაციული კოდექსის 63-ე მუხლის შესაბამისად, „საქართველოს რეგიონული განვითარებისა და ინფრასტრუქტურის სამინისტროსათვის საქართველოს რეგიონებში განსახორციელებელი პროექტების ფონდიდან თანხის გამოყოფის შესახებ“ საქართველოს მთავრობის 2015 წლის 19 მარტის №536 განკარგულებაში შეტანილ იქნეს ცვლილება და პირველი პუნქტი ჩამოყალიბდეს შემდეგი რედაქციით:

„1. საბაჟო-გამშვები პუნქტის - „ყაზბეგის“ მიმდებარედ, მდინარე თერგის კალაპოტის დროებითი პრევენციული ნაპირსამაგრი ღონისძიებების განხორციელების მიზნით, საქართველოს ფინანსთა სამინისტრომ, „საქართველოს 2015 წლის სახელმწიფო ბიუჯეტის შესახებ“ საქართველოს კანონით გათვალისწინებული, საქართველოს რეგიონებში განსახორციელებელი პროექტების ფონდიდან, საქართველოს რეგიონული განვითარებისა და ინფრასტრუქტურის სამინისტროს გამგებლობაში არსებულ სახელმწიფო საქვეუწყებო დაწესებულებას - საქართველოს საავტომობილო გზების დეპარტამენტს გამოუყოს 1 200 000 (ერთი მილიონ ორასი ათასი) ლარი.“.

პრემიერ-მინისტრი

ირაკლი ღარიბაშვილი

შეტანილია ცვლილებები
საქართველოს მთავრობის

12/18/2015 N 2745

განკარგულებით

**საქართველოს მთავრობის
განკარგულება**

N536 2015 წლის 19 მარტი ქ. თბილისი

**საქართველოს რეგიონული განვითარებისა და
ინფრასტრუქტურის სამინისტროსათვის საქართველოს
რეგიონებში განსახორციელებელი პროექტების ფონდიდან
თანხის გამოყოფის შესახებ**

1. საბაჟო-გამშვები პუნქტის - „ყაზბეგის“ მიმდებარედ, მდინარე თერგის კალაპოტის დროებითი პრევენციული ნაპირსამაგრი ღონისძიებების განხორციელების მიზნით, საქართველოს ფინანსთა სამინისტრომ, „საქართველოს 2015 წლის სახელმწიფო ბიუჯეტის შესახებ“ საქართველოს კანონით გათვალისწინებული, საქართველოს რეგიონებში განსახორციელებელი პროექტების ფონდიდან, საქართველოს რეგიონული განვითარებისა და ინფრასტრუქტურის სამინისტროს გამგებლობაში არსებულ სახელმწიფო საქვეუწყებო დაწესებულებას - საქართველოს საავტომობილო გზების დეპარტამენტს გამოუყოს 1 700 000 (ერთი მილიონ შვიდასი ათასი) ლარი.

2. „სახელმწიფო შესყიდვების შესახებ“ საქართველოს კანონის 10¹ მუხლის 31 პუნქტის შესაბამისად, სახელმწიფოებრივი და საზოგადოებრივი მნიშვნელობის ღონისძიების შეზღუდულ ვადებში შეუფერხებლად ჩატარების მიზნით, საქართველოს საავტომობილო გზების დეპარტამენტმა ამ განკარგულების პირველი პუნქტით გათვალისწინებული ღონისძიებების სახელმწიფო შესყიდვა განახორციელოს გამარტივებული ელექტრონული ტენდერის მეშვეობით.

3. საქართველოს საავტომობილო გზების დეპარტამენტმა საბაჟო-გამშვები პუნქტის - „ყაზბეგის“ მიმდებარედ, მდინარე თერგის კალაპოტის დროებით პრევენციულ ნაპირსამაგრ ღონისძიებებთან დაკავშირებული საპროექტო და საზედამხედველო მომსახურების განხორციელება უზრუნველყოს 2015 წელს მოქმედი ხელშეკრულებების ფარგლებში.

პრემიერ-მინისტრი

ირაკლი ღარიბაშვილი